

Մարզպետի այցը Թալինի տարածաշրջանի համայնքներ

Մարզպետ Գաբրիել Գյոզալյանը այցելեց Թալինի տարածաշրջան եւ հանդիպեց Իրինդի, Կաթնաղբյուրի, Շղարշիկի եւ Եղնիկի բնակիչների հետ: Համայնքների ղեկավարների եւ բնակիչների հետ մարզպետը քննարկեց առաջնահերթ լուծում պահանջող հիմնախնդիրները: Դրանք հիմնականում վերաբերում էին խմելու եւ ոռոգման ջրերի մատակարարմանը, ճանապարհների, կրթօջախների վերանորոգմանը, գազիֆիկացմանը եւ ընդհանուր մտահոգություն ներկայացնող այլ հարցերի: Բարձրացված հարցերի վերաբերյալ մարզպետը պարզաբանումներ կատարեց, ինչպես նաեւ առանձնապես հրատապ լուծում պահանջող խնդիրների վերաբերյալ հնարավոր տարբերակներ քննարկեց:

Համայնքներում Գաբրիել Գյոզալյանը նաեւ քաղաքացիների ընդունելություն կատարեց, լսեց նրանց մտահոգող անձնական բնույթի հարցերը: Սոցիալապես անապահով 20 բնակչի տրվեց դրամական օգնություն: